



SLUŽBENE NOVINE

KANTONA SARAJEVO

Godina XX – Broj 15

Četvrtak, 23. aprila 2015. godine
SARAJEVO

ISSN 1512-7052

KANTON SARAJEVO

Skupština Kantona Sarajevo Komisija za izbor i imenovanja i administrativna pitanja

Na osnovu člana 7. stav 6. Zakona o finansiranju političkih stranaka ("Službeni glasnik BiH", broj 95/12) i člana 22. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13 i 47/13), Komisija za izbor i imenovanja i administrativna pitanja Skupštine Kantona Sarajevo, na sjednici održanoj 15.04. 2015. godine, donijela je

ODLUKU

O RASPOREĐIVANJU SREDSTAVA BUDŽETA KANTONA SARAJEVO, NAMIJENJENIH FINANSIRANJU POLITIČKIH STRANAKA, KLUBOVA ZASTUPNIKA I PARLAMENTARNIH GRUPA U MANDATNOM PERIODU 2014-2018. GODINA

I

Ovom se Odlukom uređuje način raspoređivanja sredstava osiguranih u Budžetu Kantona Sarajevo u mandatnom periodu 2014-2018. godina, za redovno godišnje finansiranje političkih stranaka, klubova zastupnika i parlamentarnih grupa u Skupštini Kantona Sarajevo do isteka mandata ovog skupštinskog saziva.

II

Ukupna sredstva namijenjena za finansiranje političkih stranaka, klubova zastupnika i parlamentarnih grupa ne mogu prelaziti iznos od 0,2% Budžeta Kantona Sarajevo u kalendarskoj godini.

III

Sredstva iz člana 2. ove Odluke raspoređuju se na način da se:

- 30% sredstava dijeli jednako svim političkim strankama, odnosno koalicijama političkih stranaka koje su osvojile mandate,
- 60% sredstava dijeli prema broju zastupničkih mandata koje svaka politička stranka, klub zastupnika i parlamentarna grupa ima u Skupštini Kantona Sarajevo,

- 10% ukupnog iznosa raspoređuje klubovima zastupnika odnosno parlamentarnim grupama srazmjerno broju zastupničkih mjesta koja pripadaju manje zastupljenom spolu.

IV

Ova odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 23.03.2015. godine.

Broj 01-05-6201-6/15
15. aprila 2015. godine
Sarajevo

Predsjedavajući Komisije
Kemal Ademović, s. r.

Vlada Kantona Sarajevo

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), i čl. 130. i 131. Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst), na prijedlog Medicinskog fakulteta u Sarajevu i Univerziteta u Sarajevu putem Ministarstva za obrazovanje, nauku i mlade Kantona Sarajevo, Vlada Kantona Sarajevo, na Petoj sjednici održanoj 16.04.2015. godine, donijela je

ODLUKU

O DOPUNAMA ODLUKE O DAVANJU SAGLASNOSTI NA VISINU PARTICIPACIJE CIJENA USLUGA, UPISNINA I DRUGIH TROŠKOVA STUDIJA UNIVERZITETA U SARAJEVU, TE FAKULTETA I AKADEMIJA U NJEGOVOM SASTAVU

I

U Odluci o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu ("Službene novine Kantona Sarajevo", br. 19/09, 31/12, 36/12 i 04/15), u tački III, Grupacija medicinskih nauka, dodaju se nove tačke i to:

iza tačke 7. dodaje se nova tačka 7a., iza tačke 11. dodaje se nova tačka 11a., koje glase:

7a.	Integrirani studij prvog i drugog ciklusa studija na engleskom jeziku čije troškove snose sami studenti - Medicinski fakultet	12 000, 00
11a	Integrirani studij prvog i drugog ciklusa studija na engleskom jeziku, studenti sa prostora država bivše SFRJ - redovni studij na engleskom jeziku čije troškove snose sami studenti - Medicinski fakultet	12 000, 00

II

Ova Odluka stupa na snagu danom donošenja, a objavit će u "Službenim novinama Kantona Sarajevo".

Broj 02-05-6532-10/15
16. aprila 2015. godine
Sarajevo

Premijer
Elmedin Konaković, s. r.

Ministarstvo za obrazovanje, nauku i mlade

Na osnovu čl. 24., 29. i 55. Zakona o naučnoistraživačkoj djelatnosti ("Službene novine Kantona Sarajevo", broj 10/04), ministar za obrazovanje, nauku i mlade Kantona Sarajevo donosi

PRAVILNIK

O POSTUPKU OSNIVANJA I POČETKU RADA PRAVNIH LICA ZA OBAVLJANJE NAUČNOISTRAŽIVAČKE DJELATNOSTI, UPISU I BRISANJU IZ REGISTRA PRAVNIH LICA ZA OBAVLJANJE NAUČNOISTRAŽIVAČKE DJELATNOSTI I FIZIČKIH LICA KOJA SE BAVE NAUČNOISTRAŽIVAČKIM RADOM NA PODRUČJU KANTONA SARAJEVO

Član 1.

(Predmet Pravilnika)

Ovim pravilnikom preciznije se uređuje postupak osnivanja, provjere ispunjenosti uslova za početak rada i daljnji rad pravnog lica za obavljanje naučnoistraživačke djelatnosti na području Kantona Sarajevo te upis, brisanje, sadržaj i način vođenja *Registra pravnih lica za obavljanje naučnoistraživačke djelatnosti i fizičkih lica koja se bave naučnoistraživačkim radom na području Kantona Sarajevo* (u daljnjem tekstu: Registar).

Član 2.

(Nadležnost za provođenje postupka i upis u Registar)

- (1) Postupak provjere ispunjenosti uslova za osnivanje, početak rada i daljnji rad pravnog lica za obavljanje naučnoistraživačke djelatnosti na području Kantona Sarajevo te upis u Registar vrši Ministarstvo za obrazovanje, nauku i mlade Kantona Sarajevo (u daljnjem tekstu: Ministarstvo).
- (2) Upis u Registar vrši se na osnovu rješenja Ministarstva kojim se utvrđuje ispunjenost uslova za početak rada i daljnji rad pravnog lica za obavljanje naučnoistraživačke djelatnosti, na način i u postupku utvrđenim Zakonom o naučnoistraživačkoj djelatnosti i ovim pravilnikom.

Član 3.

(Pokretanje postupka)

- (1) Postupak provjere ispunjenosti uslova za početak rada i daljnji rad pravnog lica u osnivanju za obavljanje naučnoistraživačke djelatnosti pokreće se na zahtjev osnivača.
- (2) Uz zahtjev iz stava (1) ovog člana osnivač obavezno prilaže:
 - a) prijedlog elaborata o opravdanosti osnivanja pravnog lica u osnivanju za obavljanje naučnoistraživačke djelatnosti;
 - b) dokaz o uplati novčanog iznosa utvrđenog Odlukom Vlade Kantona Sarajevo za potrebe troškova vođenja postupka osnivanja pravnog lica za obavljanje naučnoistraživačke djelatnosti.
- (3) Elaborat o opravdanosti osnivanja pravnog lica za obavljanje naučnoistraživačke djelatnosti obavezno sadrži: podatke o osnivaču, sjedište i naziv pravnog lica, ciljeve, djelokrug rada, kadrovsku i infrastrukturnu opremljenost, način obezbjeđenja finansijskih sredstava za rad.
- (4) Nakon dostavljanja urednog zahtjeva iz stava (1) ovog člana, Ministarstvo rješenjem imenuje ekspertnu komisiju radi razmatranja zahtjeva i davanja stručnog mišljenja o dostavljenom elaboratu o opravdanosti osnivanja pravnog lica za obavljanje naučnoistraživačke djelatnosti.
- (5) Nakon ocjene elaborata od strane ekspertne komisije, uredan zahtjev osnivača, sa stručnim mišljenjem ekspertne komisije, Ministarstvo dostavlja Vladi Kantona Sarajevo (u daljnjem tekstu: Vlada) koja, u slučaju donošenja pozitivne odluke o podnesenom zahtjevu i elaboratu, prijedlog upućuje Skupštini Kantona Sarajevo (u daljnjem tekstu: Skupština) na razmatranje i odlučivanje.
- (6) Protiv odluke Vlade kojom se ne daje saglasnost za osnivanje pravnog lica za obavljanje naučnoistraživačke djelatnosti nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema odluke.
- (7) Ukoliko se radi o specifičnoj djelatnosti pravnog lica u osnivanju za obavljanje naučnoistraživačke djelatnosti odnosno djelatnosti koja je regulisana posebnim zakonom (vojna industrija, policijska djelatnost, zdravstvo, farmacija i sl.) Ministarstvo će, prije upućivanja elaborata i mišljenja ekspertne komisije na odlučivanje Vladi, pribaviti zvaničan stav nadležnih institucija/organa u vezi sa podnesenim zahtjevom i donošenjem odluke o istom.
- (8) Nakon što Skupština donese odluku kojom se daje saglasnost za osnivanje pravnog lica za obavljanje naučnoistraživačke djelatnosti, osnivač imenuje komisiju matičara, čiji sastav treba biti u skladu sa odredbama Zakona koje se odnose na izbor u naučna i istraživačka zvanja, a koja obavlja sljedeće poslove:
 - a) donosi pravila odnosno statut;
 - b) objavljuje konkurs i vrši izbor u naučna i istraživačka zvanja u skladu sa zakonom;
 - c) imenuje direktora pravnog lica u osnivanju za obavljanje naučnoistraživačke djelatnosti;
 - d) objavljuje konkurs i vrši izbor članova upravnog i nadzornog odbora pravnog lica u osnivanju za obavljanje naučnoistraživačke djelatnosti;
 - e) preduzima ostale potrebne aktivnosti u procesu ispunjavanja uslova neophodnih za početak rada i daljnji rad